



ATASSUT

UKA 2016/135-1

Mala Høy Kúko

17.11.2016

Umiartortut atorfinitsitaasernerannut pissutsit pillugit inatsimmi Kalaallit Nunaanni naalagaaffigisami nangaanartitanik pillugu atuukkunnaartitsinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Ane Hansen, Inuit Ataqatigiit)

ATASSUT-mmiinngaaniit siunnersuuteqartoq Inatsisartunut ilaasortaq Ane Hansen, Inuit Ataqatigiit qutsavigissavarput, siunnersuullu imatut ATASSUT-miit naatsumik oqaaseqarfigissavarput.

ATASSUT-miit pingaartipparput umiarsuarni angallatini sinersortaatini, sineriarsortunik aalisariutinillu innuttaasut atugarisamikkut sapinngisamik pitsaanerpaamik atugassaqartitaanissaat.

ATASSUT-miillu nunatta imartaani umiarsuarnik umiartortut siunissamilu umiartorumaartussat sillimaniarnerup pitsaanerpaaffimminut inissisimajuartuunissaa soqutigisarilluinnarparput.

Nalunngilarpummi imartarput peqqarniitsuusinnaalluortoq qanorluunniit umiartortut misilittagartuut sapilerfigisinnaasaannik.

Siunnersuuteqartup ujartorpaa nunat allat imarsiornermi atorfinitsisarnermi assigisaallu ILO isumaqatigiissutaata ataani Kalaallit Nunatsinni atortuulersinneqarnissaannik kissaatigigaa.

Nunammi allat umiartornerup tungaasigut isumaqatigiissuteqarnerat atorfeqartunut tamanut pitsaanerpaamiittuarnissaannik tamatigut imaqartuuvoq.

Taamatut nunat allat umiartornermut periaaserisaannik ujartuineq ATASSUT-minngaaniit pitsaasutut nalilerusupparput.

Kisiannili tamakkut periutsit nunat allat periusaat atuutsinneqalissappata aningaasanik naleqartussaammata Naalakkersuisut oqaaseqaataat malillugu, tamannalu aallaavigalugu Naalakkersuisut oqaaseqaataat isumaqatigaarput misissuisoqaqqaartuartaqarneranik oqariartuuteqarneq.

Taamatut naatsumik ATASSUT-miit oqaaseqarluta suliaq ataatsimiititaliamut ingerlateqqinneqarsinnaanera ammaffigivarput.

Qujanaq.

